



Su'ega Aoao Tausaga 13 A Sāmoa

GAGANA SĀMOA 2016

PEPA FESILI MA TALI

Taimi Fa'atulagaina: 3 Itūla & 10 Minute

FA'ATONUGA:

1. E 10 minute e faitau ai 'ae le'i 'āmata ona tusi au tali.
2. Tusi manino lau Nūmera Ā'oga i le pito i luga 'o le itū taumatau 'o le itūlau lenei.
3. Tusi tali i avanoa 'ua saunia i totonu o lenei Pepa Fesili ma Tali.
4. 'Āfai e mana'omia nisi pepa mo au tali, fesili i le Faisu'ega mo nisi pepa fa'aopopo. Fa'apipi'i pepa fa'aopopo i itūlau talafeagai 'o le pepa su'ega

ĀLĀFUA	Itūlau	Taimi (Minute)	TOGI
1. Vaēga 'ese'ese 'o le Gagana	2	30	16
2. A'oina 'o le Gagana	4	30	16
3. Fa'amaumauga ma Fetufaā'iga	7	44	24
4. Feso'ota'iga i Alafa'asalalau	11	36	20
5. Fa'atinoga o Tu ma Āga 'a Sāmoa	15	20	12
6. Fa'afiafiaga ma Ta'aloga	17	20	12
AOFA'IGA		180	100

SIAKI! Po'o 'atoa itūlau 'e 2-20 ma sa'o le fa'asologa o le Pepa Fesili lenei

TAU'A'AO LAU PEPA FESILI MA TALI I LE FAISU'EGA PE 'A MA'EA LE SU'EGA.

Fa’atonuga: O fesili uma o le vāega lenei olo’o agai tonu i vāega ‘ese’ese o le gagana. Tali uma fesili o le vāega lenei i avanoa ua saunia.

1.1 Na alu Mele i le taulaga ma fai lana fa’atau, a o Sio na tausami lana i’a. Ta’u mai le aofaiga o veape ‘olo’o tā’ua i luga.

Tomai ‘ausia 1

1.2 Tusi mai se fa’ata’ita’iga o le ‘upu o faiā numera tasi.

Tomai ‘ausia 1

1.3 ‘Olo’o tusia le fuai’upu olo’o i lalo i le segila.Liliu i lona tulaga pelulale.

A na e iloa a’u i Siulepa ou te iloa foi oe i Togamau.

Tomai ‘ausia 2

1.4 Toe tusi e ‘oe le fuai’upu lenei i lona tusiga sa’o.

O lo’u maile e fiafia tele i la’u uso, ae ita la’u tinape a moe i la matoufale

Tomai ‘ausia 2

1.5 Tusi sau fuai’upu ‘anoa se tasi e fa’aaoga ai uiga lasi se 4 o le ‘upu ‘fai’

Tomai ‘ausia 3

1.6 Tusi mai lau fa'auigaga faigofie o le solo ua tusia;

“E leai le fafine
Ua so'ona lalelei
A u mai mata
Ua ni 'aiga fa'alala
U mai tua
Oo le malama i Saua!”

(Le Tagaloa 1996:66)

Tomai 'ausia 3

1.7 Na e ui ane i le auala o fai le taumafataga a le Faife'au ma lona Faletua. Na vala'au ane le Faife'au e te alu atu e te ai.

Tusi mai lau gaiioiga o lea fai ma lau tali i le Faife'au.

Tomai 'ausia 4

Fa’atonuga: O fesili o le vāega lenei e fa’atatau lea i le malamalama lautele o le fanau i le a’oina o le gagana. Tali ‘uma fesili o le vāega lenei i avanoa ua saunia.

Faitau le tala ia malamalama ona tali lea o fesili olo’o mulimuli mai.

1. **O le tautua, o le vaipuna o le atamai.** O le vaisū mo le ola tau papalu. O le atoali’o o le tōfāmanino e utupūpūina ai le vagana sa’ilimālō ma le tōfāmanino a tamalii. O le ‘auala i le ‘oli’oli ma le ‘aluga i le fa’aeaina, **pe afai e malilie sua ole vai**, ona sama lea o se mago, sili se poto, fili ile tai se agava’a ‘auā le tofi matai, peita’i e **punitia ai le mata o le la** ma esiesi ai ota suli e pei o le manu o le tuasivi, ma to i tua le ‘ulu ‘ē’ē pe afai e tautua ae momo’o ile pou.
2. O le **su’e fuefue o le tai** ma le **lutaluta o le matagi**, ‘a o le ‘o’olo o le pa sasae a le faititili na maligi ai timuga. O se aso loulouā ma matagiāna pa ai le lauaitu ina ua ifo le la o le soifua o le tōfā Lupese’emai ‘Āigamua. Ua laulaututū le ‘āiga atoa ma si’omia le moega o le toea’ina, ao nonofo le gagana usu gasegase a le afio’aga o Nu’uolevavau, o le paia lava lea ‘auā ‘Aiga ma Tapa’au, alalatai le Falefia ma le tautalaga tutasi a Lupese’emai, e fia faalogo i sē o lea soso’o i le suafa.
3. Ua tau fa’anofo i luga le toea’ina, ua ma’anuminumi uma ona foliga, ua ‘ela lana pupula ma fai atu lona tino. Ua sālō le maota se’ia o’o ina tau lagona atu si ona leo vaivai; “...lo’u gu’u e ma lo’u ‘āiga...o lo’u akalii o Filimaua...ma ke soso’o...o ia legā...auē!...ia oukou maguia...”

*Se vāega o le tala: O le Tautua fia matai e fa’amaga ai le ‘ele’ele.
 Tusia : Matu Matāvai Tautunu ‘Aumua
 Lōmia : Sāmoa Observer, 2016*

2.1 Fuai’upu 1:**O le Tautua, o le vaipuna o le atamai.**

Lisi mai ni Tautua se 3 a Sāmoa o e iloa.

Tomai
‘ausia 1

2.2 Laina 3...**pe afai e malilie sua o le vai.** O ai tonu suli e fa’atatau i ai lea fuaitau?

Tomai
‘ausia 1

2.3 Laina 4...**punitia le mata o le la.**

O le a se uiga loloto o lea fa'a'upuga?

Tomai 'ausia 2

2.4 O le a se feso'otaiga o le **su'e fuefue o le tai** ma le **lataluta le matagi?**

Tomai 'ausia 1

2.5 Tusi mai le Fa'alupega o le nu'u olo'o tūsia i le tala.

Tomai 'ausia 2

2.6 O le a le 'a'ano moni o le Mavaega a le tōfā Lupese'ema'i 'Āigamua?

Tomai 'ausia 1

2.7 Iloilo le tala ona tusi mai lea o le aotelega atoa o le tala e atagia ai lou malamalamaga i le a’oina o le gagana.

Tomai 'ausia 4

2.8 Tusi sau palakalafa ‘anoa e fa’amatala ai le ‘auga ma le fa’amoemoe o le usu gasegase a Sāmoa.

Tomai 'ausia 3

2.9 O le a se aga a le tusitala ua e matauina mai lea tusitusiga?

Tomai 'ausia 1

Fa'atonuga: Faitau le Lauga ia malamalama ona tali lea o fesili 'olo'o mulimuli mai.

Matua: "O Sāmoa e lē se mālō, o Sāmoa o le uso ma le 'āiga".

1. Mai le aso muamua o luni i le tausaga ua tuana'i, sa o tatou sauniuni ma fa'apolopolo i le tino, le mafaufau ma le agaga, mo le taeao lenei.
4. O le taeao e fa'amanatu ai le 50 tausaga talu ona tuto'atasi le Mālō o Sāmoa. Ua tatou tu'utu'u la'au; 'ausia le vasa, sopo mai le ala, ina ia o tatou mafuta e molimau ma mafaufau mālie, i le fe'au o lenei taeao faitauina.
8. I le aso 1 Ianuari i le 50 tausaga ua tuana'i, sa saunoa ai le afioga Tupua Tamasese Mea'ole i le malae i Ti'afau nei, i lona tulaga o le Ao So'ofa'atasi ma le susuga a Malietoa Tanumafili 2. O le 'autū o lana lauga, o le agaga fa'amagalō. I le asō, oute toe fia asiasi i le matā'upu lenei, o le agaga fa'amagalō.
13. I so'o se fa'amanatuga o le Mālō Tuto'atasi, tatou te manatunatu i tūgā, i le loto nutimomoia, i le agaga tauivi na sa'ili ai e o tatou mātua le mālō tuto'atasi lea ua tatou 'ae'ae ai nei. Tatou te manatua le vāega a le Mau ma le vāega a le Mālō ma le latou agaga faitaulaga.
18. E telē le taulaga a le Mau i lana mau po o lona talitonuga. Fa'apea ai fo'i ma le Mālō. Ma, e ono mafai ona ou fa'apea atu, e le'i mavae le 'ese'esega o mau nei, mai le lagona o tagata. Ma o se tasi lenei o avanoa tāua, e tu'ufa'atasi ai mau nei. E maualafia pe a tatou talitonu, o le Mau ma le Mālō, sa o latou sa'ili le mea i le latou talitonuga, e manuia ai Sāmoa.
24. Fai mai le tala, na fa'afaletui ia Āleipata, po o fea le itu e lagolago, ona maua ai lea o le tasi, e ō Tafua ma le Itupā i Lalo e lagolago le Mālō, ae ō Fuataga ma le Itupā i Luga e lagolago le Mau.
28. E mātua le tōfā ma le fa'autaga, po o ai lava e manumālō, e fa'amanuiaina Āleipata. Afai e manuia le Mālō, fo'i mai Tafua ma le manuia 'auā Āleipata. Afai e manuia le Mau, fo'i mai Fuataga ma mālō'auā Āleipata.

Se Vāega o le Lauga a le Ao o le Mālō: Afioga Tui Ātua Tupua Tamasese Efi. Fa'amanatuina o le 50 Tausaga Tutoatasi o Sāmoa, 1 Luni 2012.

3.1 O le matua o le lauga: “**O Sāmoa e lē o se mālō, o Sāmoa o le uso ma le ‘āiga**”.

O le a le fe’au taua lea e momoli mai e le matua o le lauga?

Tomai 'ausia 1

3.2 **Laina 1: Mai le aso muamua o luni i le tausaga na te’a nei...**

Aisea ua taua ai lea aso i le talafa’asolopito o Sāmoa?

Tomai 'ausia 1

3.3 Palakalafa 2: Tusi mai le uiga faigofie o lea vāega o le lauga.

Tomai 'ausia 2

3.4 Palakalafa 3: O ai Tupua Tamasese Mea’ole ma Malietoa Tanumafili 2?

Tomai 'ausia 1

3.5 O le a tonu le aso, masina ma le tausaga na tutoatasi ai Sāmoa?

Tomai 'ausia 1

3.6 O le a le ‘a’afiaga o Āleipata i le lauga a le Ao o le Mālō?

Tomai 'ausia 1

3.7 Tusi sau palakalafa 'anoa e 6 laina e fa'afetaia ai le sao o tua'a i le sailigāmālō a Sāmoa ma fa'aioa mai ai le aofa'iga o tausaga talu ona Tuto'atasi Sāmoa.

Tomai 'ausia 3

- 3.8 Filifili se ulutala mai le lisi olo’o i lalo e tusi ai lau tala. Ia’anoa ma logomālie i le faitau. Ia sa’o le fa’aaogaina o le gagana ma le tusiga o ‘upu.

Ulutala

Ua motu la’u ‘asoa.

O alofa na, o alofa nei.

Ua papa lo’u tumua’i.

E fano ‘ele’ele le malaia.

Fa’atonuga: Faitau manino le fa’asalalauga ua tusia ona tali uma lea o fesili.

1. Lo’u itūmālō, ua leai lava se mea e tasi o toe auaoa i le silafaga a le Atua, mai le ta’ele o ma loto ma agaga, ma te fa’apea atu ai, Fa’afetai, Fa’afetai, Fa’afetai tele lava, i lau lagolago ma lou fa’atuatua sa fa’atino pea mo a’u i le sefuluono tausaga ua tuanai atu. Ou te talitonu e tele ou tamao’āiga ua to’esea ona o le fa’atinoina o lou agaga sa’ilimālō. O la ma tatalo ia fa’atumu e le Atua i ona ala ua saunia mo a’u nei ma le iuga o le fa’amasinoga ua tula’i mai ina ua uma ona fa’atinoina le ma’ema’e, o le matau’a, ma le tōfā fa’atamaititi a lo’u uso tauva. O la’u tatalo atu ma le loto fa’amauualalo tatou talia mea tiga ua o’o mai. Ia tatou maua le loto fa’amagalo ae lafo i le Atua e fa’amasino i lana tagata sa fai ‘auā o lea ua soiso le tiapolo ua uma ona fa’amalie le mea sa manao i ai e fa’aleaga a’u.

2. O le fesili, o le a sau mea o maua mai ai. Sa alu le laumei e tu’ufua i le pa’umātū, ae lamalama lava e le tulī e fai se mea leaga i le laumei. Na fai lava tuliga ia i’u ina maua e le tulī le vāega o le matāfaga olo’o tanu ai fua o le laumei. Ua ia save’u ese le oneone ma fa’aleaga isi fua, a o isi fua sa totoe ai na maua e tagata o le nu’u ma ave ma latou. Sa o’o i le isi aso toe feiloai le laumei male tulī i luga o le papa, ona fai atu lea o le laumei, lau susuga tulī aisea lava ua e tulituli ai a’u ina ia fai se mea leaga ia te a’u, ae tali mai tulī, pau lava o a’u. O le mea lava lea sa ou naunau iai ia fa’aleaga oe, leaga e tele ou fua nai lo a’u, ona lele ese lea o le tulī ma fa’apea mai, lu-li, lu-li, lu-li, ona oso lea o le laumei i luga o le papa ma vala’au; Tulī e te fiu lava e felelea’i i sasae ma sisifo ae ua o’u matauina uma lava ou ivi ‘aso’aso. O tagata uma foi sa va’ai o e fa’aleagaina o’u fua ua latou malamalama lelei i lou va’ava’a e te loto leaga.

3. Lou uso ia Keriso o le sa’ililili masei, o le fa’auo lea i le fetōtōa’i. O le fetōtōa’i e fanau mai ai le fevaevaea’i. O le fevaevaea’i o lana vaisū e fa’ataunu’u, i ‘āiga, nu’u ma ekalesia o le fefulitua’ai ma le nofo lē fealofani, ao nei mea uma e afua ona toilalo ai le tagata pe a fai ua aunoa ma se alofa.

4. Olo’o fa’apea ona a’oa’o mai le Fa’aola, amuia e alolofa atu, ‘auā e alofaina mai i latou. Amuia e loto mamā, aua latou te iloa atu le Atua, amuia e fa’atupuina le filemu, ‘auā e ta’ua i latou o atali’i o le Atua.

*Se vāega o le Fa’asalalauga na tāsia e: Tauā Kitiona Seuala
Lōmia e le Nusipepa: Sāmoa Observer, 20 Me, 2011.*

- 4.1 Fa’auma e ‘oe le fuai’upu ini au lava ‘upu, ia maua ai le agaga o le ‘autū.

Lo’u itumālō ua outou gaseā ona o lo’u tagata o le mea lea

Tomai ‘ausia 1

4.2 Palakalafa 1: “...tatou talia ia mea tīgā ua o’o mai.”

O a ia mea tīgā ua o’o i le tusitala?

Tomai 'ausia 1

4.3 Palakalafa 2: Fa’aaogālou tomai e iloilo ai le vāega lea o le lauga ma fa’amanino mai ma fa’ailoa mai po o le a le ituaiga gagana olo’o fa’aaoga e le tusitala?

Tomai 'ausia 3

4.4 Fa’ailoa mai ni fofō se 3 olo’o aumai e le tusitala e fo’ia ai lenei fe’ese’esea’iga.

Tomai 'ausia 2

4.5 Palakalafa 4: Tusi sau apoapoaiga i ā'oga olo'o taua'imisa e fa'aaoga ai le vaogagana olo'o ta'ua i le palakalafa lenei o le tala. Ia 'anoa ma logomālie i le faitau.

Tomai 'ausia 4

Filifili se tala pu'upu'u, tala moni po o se tala fatu na su'esu'eina e la outou vasega, ona talimai lea o fesili olo'o mulimuli mai.

4.6 O le a le igoa o le tala?

**Tomai
'ausia 1**

--

4.7 O le a le igoa o le tusi o lōmia ai?

**Tomai
'ausia 1**

--

4.8 O ai le Tusitala?

**Tomai
'ausia 1**

--

4.9 Fa'ailoa mai le 'auga o lea tala ma fa'amanino mai le aogā o lea 'auga i lo tatou soifuaga o iai nei.

**Tomai
'ausia 2**

--

4.10 Tusi mai se fe'ese'esea'iga o tagata 'autū o lea tala ma fa'ailoa mai se fofō o lea fe'ese'eseaiga.

Tomai 'ausia 3

4.11 O le a sau lesona aogā ua maua mai lea tala?

Tomai 'ausia 1

Fa’atonuga: Tali uma fesili o mulimuli mai.

5.1 Tusi mai le uiga o le Va’a olo’o i mamamu o le tatau a Sāmoa.

Tomai ‘ausia 1

5.2 O le a le igoa o le ietoga e ufi ai le pusa maliu i le taimi e ave aii tua ma le fale maliu?

Tomai ‘ausia 1

5.3 Fa’amatala manino lelei mai le mafua’aga e fa’atino ai le ‘Ava o le Feiloaiga pe a taunu’u ni mālō.

Tomai ‘ausia 3

5.4 Fa’amatala lelei mai le mafua’aga o le Mavaega nai le Falepunaoa ma fa’amanino lelei mai po’o ai e ana lea mavaega.

Tomai ‘ausia 4

5.5 Fa'amatala mai le 'ese'esega o le matila ma le 'ofeloa.

Tomai 'ausia 2

5.6 Fa'auma e oe le alaga'upu;

Ua fa'alava _____

Tomai 'ausia 1

Fa’atonuga: Tali uma fesili o le vāega lenei.

6.1 O le a le uiga o le ta felafoa’i i le Kilikiti?

Tomai ‘ausia 1

6.2 Fa’amatala manino mai le feso’otaiga o le fa’a’upuga; “**O le tao ua tu’ua i le fa**” ma le soifua o le tagata ma fa’ailoa mai le ta’aloga e maua mai ai lea fuaitau.

Tomai ‘ausia 3

6.3 Ta’u mai se malae e fa’atino ai le ta’aloga o le tapalega.

Tomai ‘ausia 1

6.4 Fa’amalamalama lelei mai le fa’afiafiaga a Sāmoa ua ta’ua o le Pōula.

Tomai ‘ausia 2

6.5 Fa'amalamalama lelei mai le 'ese'esega o le taualuga i le fa'atufugaga ma le taualuga i fa'afiafiaga.

Tomai 'ausia 3

6.6 O le a le uiga o le fa'atafiti i fa'afiafiaga fa'asāmoa?

Tomai 'ausia 1

6.7 O le a se suiga se tasi ua matauina i fa'afiafiaga a Sāmoa i aso nei?

Tomai 'ausia 1